

اداره خانه سی :

بازید جامع شریفی تریه قاپسی
قارشینده

دینی، علمی، ادبی، اجتماعی

مرکز تویمی :

باب عالی جاده سنده (اتحاد
تجارت) کتبخانه سی

مخمس

۱۳۳۸

اسلامك نفعنه

سراط مخبر: خادم یازیلر

مع التشر قبول ونشر اولنور. یازانك

شخصیتی دكل، یازینك ماهیتی نظر دقته

آلینیر. کوندریله جك آثار او قوناقلی

و مختصرجه یازیلش اولمالیدر. کلن

یازیلردن شایان قبول کورولنلر تاریخ

صیراسیله درج ایدیلیر .

صاحبی، مدیری، محرری :

علاوه سی لازمدر .

هرسنه نك برنجی

سراط استر: و ایکنجی آلتی

آیاغندن اعتباراً آتونه قید اولونور.

سنه لکی پوسته اجرتیه برابر

۱۰۰، الی آیلغی: ۵۰. غروشدر.

ممالك اخنییه ایچین ۱۰۲۰ غروش

فی: غروش

۱۰

صفر

۱۳۴۳



جلد

۵

عدد

۵۲

تفسیر لر - مفسر لر

مفسر لر آراسنده اختلاف حقیقی :

تفسیر بالدرایه لرده جریان ایدن اختلافات تفسیریہ
ایکی نوع اوزرینه در . چونکه ؛ او اختلافاتک
استنادکاهی یا نقول اولور ، یا خود استدالات عقلیه
اولور . نقول اولدیغی تقدیرده نقل مزبور ، یا معضوم
اولان فخر کائناته ، یا خود صحابه و یا تابعیندن برینه
اتصال پیدا ایدر . كذلك اونقول مستند الیهانک
صحیحی سقیمندن آیرمق یا ممکن اولور ، یا اولماز .
شیمدی شواجمالی تفصیل ایدم . اختلافات تفسیریہ دن
نقله مستند اولوب ده صحیحی سقیمندن آیرمق ممکن
اولمایان ونفس الامرده علوم ایچنده هیچ بر فائده یی
مفید بولونمایان شو قسمه مثال اولق اوزره بروجه
آتی اختلافاتی کوستره بیلیرز .

۱ اصحاب کھفک اسملری نه ایدی ۲ کوپکترینک
آدی نه ایدی ورنکی صاریعی سیاهی ویا باشقه
بررنکمی ایدی ۳ بقره قصه سنده بیان بو یورولان
قتیله ، ضرب اولونان اعضای بقره دن هانکیسی ایدی .
۴ نوح علیه السلامک کیسی قاج آرشین بوینده
وتخته سی هانکی آغا جدن ایدی ۵ خضر علیه السلامک
اولدوردیکی چو چوغک آدی نه ایدی ۶ آدم علیه السلامک
منع اولوندیغی هانکی شجره ایدی ؟ ایشته شونلر
وامثالی شیره وصول ایچون نقلدن باشقه چاره یوقدر .
بناء علیه بونلردن هانکیسی نقل صحیح ایله پیغمبردن
منقول ایسه او قبول اولونور . یوق . . او یله دکلده
اهل کتابدن (کعب) (وهب) (عبدالله بن سلام)
کی ذواتدن منقول ایسه تصدیق وتکذیب اولنماز ،
بلکه توقف اولونور . چونکه : امتناع عقلی یوق که
انکار وتکذیب ایدم . باخصوص (اذا حدثکم
اهل الکتاب فلا تصدقوهم ولا تکذبوهم) حدیثی
موجبنجه اشو توقفله مأمورز .

کذلك بوکی نقول ؛ اگر تابعینه دایانیرسه ینه
تصدیق وتکذیب اولونماق وظیفه سی تعین ایدر .
چونکه : اولنلرده متساوی المراتب اولدقلرندن

یکدیگری اوزرینه سوزلری ترجیح اولونماز .
اما بوبابده صحابه دن نقل اولونمش برسوز وارسه
تابعین اوزرینه ترجیحاً قبول اولونور . چونکه :
صحابینک او قولی پیغمبردن ایشیتمش و ایشیدن
ایشیتمش اولماسی اقوای احتمال ایدر .

نقله مستند اولوب صحیحی سقیمندن فرق وتمیز
ممکن اولان قسمنه کلینجه له الحمد والمنه کتب تفاسیرک
روایته متعلق اقسامی بوکی اختلافات تفسیریہ ایله
طولودر و اوراده بونلرک غثی سمینندن ، صحیحی
سقیمندن آیریلشدر .

ایشته استنادکاهی نقول اولان اختلافات تفسیریہ
حقتده کی مطالعات بوندن عبارتدر ، لکن استنادکاهی
استدلالات عقلیه اولان اختلافات تفسیریہ حقتده
براز تفصیله لزوم کورولدیکندن بروجه آتی اداره
کلام مجبورتی قارشینسند بولونمقدیرز :

استنادکاهی استدالات عقلیه اولان اختلافات
تفسیریده ایکی درلو خطایه دوشمک اکثریتیه واقعدر
و او خطالردن مصونیت نادردر .

أوت . عروس قرآنک حمله کاه عرفانه برأله
قندیل روایت ، دیگرأله شب چراغ درایت اولازق
کیرمک لازمدر ، تا که اوملکه حسن وآنک جمال
تابنا کنده کی مزایای دقیقه کوکلرده تجلی ایده بیلین
قندیل روایت اهل ایدیله رک کیر یله جک اولورسه
حسن وآنندن تمامیه استفاده میسر اولماز . ایشته
بروجه آتی نمونه لرینی کوستریورز . بونلردن بر
قسمی ، قرآنی ازال ایدمک کیم اولدیغی وکیمک
اوزرینه نازل بولوندیغی و اونکله مخاطبک کیملر
اولدیغی و قرآنده نه کی اغراض فطریه ومقاصد
معنویه کوزه تیلدیکنی دوشونمکسزین آنجق وآنجق
جواهر الفاظ لغویه وظواهر تراکیب عربیه سنی ، عربجه
قونوشان بر آدمک اوکی الفاظدن نه مراد ایده بیله جکنی
پیش اعتنایه آلوب تفسیر ایدنلردر که بونلر اسباب

اوروج مسئلہ سی حقندہ جواب

پکن نسخہ دن مابعد

عبداللہ افندی مقالہ سنندہ : سورۃ بقرہ نك
(۱۸۳ ، ۱۸۴ ، ۱۸۵) نجی آیتلرینی مجملہ ترجمہ
(وعلى الذين يطيقونه فدية) آیتنی ده (کوچی یه توبده
اوروج طوتمايانلر فدیہ ویرسینلر) طرزنده تفسیر
ایلدکن صوکره دیورکه :

(شیمدی شواکت کریمده بیلدیریلن احکامه کوره
بن ایستر اوروج طوتارم ، ایستر بر ویا بن قاج آدمک فدیہ
اوله رق قارتنی دیورورم واوروجی یرم . . . قارشیمه
برطاقم آدملرخیقوبده . . . (فلیصمه) فدیہ بنسخ ایتمش ،
اوروجی واجب قیلمشدرمی دیه جک) (فلیصمه)
ایجاب ایچون دکل ، (نه زمان طوتالم) سوال مقدرینک
جوابیدر . بوکاده (بیدالله بکم الیسر) دلیلدر .

اول امرده عبداللہ افدینک بو سوزلرینه
جواب ویره لم :

قرائت مشهوریه کوره (اطاقه) دن مأخوذ
اولان (یطیقونه) نك منسوخ اولمادیغنه قائل اولوب ده
آ کا استطاعت معناسی ویریلدیکی تقدیرده بو آیت
جلیله نك مفادی (کوچی یه توبده اوروج طوتمايانلر
فدیہ ویرمک واجبدر .) دیمک اولور . حالبوکه
تلاوة و کتابه مؤخر اولان (فن شهد منکم الشهر
فلیصمه) آیت جلیله سنک مفادی (شهر رمضانده
حاضر اولانلردن کوچی یه تن هر فرده ایام رمضانده
عیناً اوروج طوتمق فرضدر .) دیمکدرکه : بو
تقدیرده کوزه آیتلرک مضمونلری تعارض ایتمش
اولور . کلام الله تعارض محال اولدیغندن آنی
دفع ایتمک لازم و واجبدر . بونک ایچون یا اولکی
آتی ایکنجی یه ، یاخود ایکنجی یی اولکی یه حمل
ایدهرک آرملرینی تألیف و توفیق ایتمک اقتضا ایدر .
عبداللہ افدینک (فلیصمه) ایجاب ایچون دکل ، نه
زمان طوتالم سوال مقدرینک جوابیدر (دیدیکی
وجه اوزره تألیف ایچون ایکنجی آیتده تصرفه مقام

نزولی ، سیاق کلامی بوسبوتون اھمال ایدهرک اوبدرقه
ھدایتہ بر بدوی باقیشیله باقاندردرکه آتیده حکایه
اولونان بدوی بونلردن زیاده اوبایدہ صاحب اقتداردر .
چونکہ : بونلر بعضاً اولورکه منحصرأ نظر اعتنا یه
آلدقاری مفردات لغویہ نك تحمل ایتدکری معانی
اصلیه یی بولامازلر . لکن بدوی ، عربیتده متأصل
بولوندیغی ایچون بویله بر خطایه دوشمزر . حکایه
شویله در :

عمرنده شهره کیرمه مش ، نماز نه در ، جامع ناصیل
یردر کورمه مش (مجرم) نامنده بر بدوی تصادفاً
شهره کیرمش ، سیلاب جماعته قاتیلارق جامعده المش
واوک صفه کچمش . امامک اوقودیغی فاتحه یی بلیغ
وقدسی بر سوز اولمق اوزره کمال حیرت واستغراق
ایله دیکله مش . امام ، فاتحه دن صوکر (الم نه لک
الاولین) ده پنجه بدوی ، بولوندیغی صفدن آخر
صفه قاجمش . امام (ثم تبعهم الاخرین) ده پنجه بوسبوتون
صفدن آیریش . امام ، (كذلك فعل بالحرمین)
ده پنجه صولوغی دیشاریده آلمش ، تلاش ایله بادیه
یولنی طوتمش . شیمدی شوبدوی یی قاجیران نه در ؟
شبه یوق که (اولین) و (آخرین) دن مراد کیملردر ، عرف
قرآنده (مجرمین) نه کی آدملردر ؟ بونلری بیلمه دیکی
حالده ، صرف مفردات لغویہ و تراکیب عربیه نك
حسب السلیقه کوکلنده حاصل ایله دیکی تأثیردر .

روایتی اھمال ایدنلرک دیگر قسمی ده یا بر فکر
فلسفینک تأثیرندن ویا سیروسلوك ائناسنده حاصلی
ایلدیکی ذوق وجدانینک محصله سندن دوغان
و قلبنده یر طوتان بر عقیده یه قرآن کریمک الفاظ
شریفه سینی یا ناشدیرمق ایسته یین ارباب تفسیردرکه
بونلر نظرنده روایت اھمال ایدیلدیکی کی سیاق و سباق دن
ومقاصد قرآنیہ دن هیچ برشی نظر اعتنا یه آلیماز .

النبات فاکولته سی تفسیر و تاریخ تفسیر مدرسی

بر غم علی مروت